

Bailarinnan Arubano a wordo selecta pa presenta na Disney World

ORANJESTAD- Dialuna 27 di april 2015, Dia di Rey, studiantenan di Club di Movimiento lo tene nan prome evento pa recauda fondo pa logra presenta riba stage y participa na tayernan na Disney World.

Lo tin un Car Wash cuminsando desde 9'or y mei di mainta te cu 3'or di atardi na school basico Colegio Felipe B. Tromp situa na Montaña,

Noord. Ticket ta costa solamente 15 florin.

Club di movimiento

Scol di baile Club di Movimiento situa na Bubali, Noord bou direccion di Samanta Westera Juppa ta orguyoso di anuncia cu nan studiantenan di baile a ser acepta pa presenta baile y invita pa participa na tayernan na Disney Performing on Stage Dance Program na Orlando, Florida for di dia 2



pa 5 di october 2015. Club di Movimiento ta ofrece pa 18 aña caba, un nivel hopi halto di programa di baile, intercambionan cultural, tayernan local como tambe internacional. Club di Movimiento ta

duna su studiantenan tambe e oportunidad pa presenta den exterior.

Club di Movimiento ta mas cu solamente 'e gran placer di baile', nan ta enfoca riba

dinamica, flexibilidad como tambe entrenamiento basa ariba balornan di bida, stimula lidernan y yuda nan transforma pa yega nan potencial maximo pa bira ciudadanonan responsabel di mundo. □